



Broj: 16-12-16-7708-~~7~~ /24
I. Sarajevo, 12. 11. 2024. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24), na preporuku Komisije za nabavke za potrebe Državne agencije za istrage i zaštitu u 2024. godinu broj 16-12-16-7708/24 od 11.11.2024. godine, u postupku javne nabavke ronilačkih kompjutera za tehničko ronjenje za potrebe ronilačkog tima Jedinice za specijalnu podršku Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke
ronilačkih kompjutera za tehničko ronjenje za potrebe ronilačkog tima
Jedinice za specijalnu podršku Državne agencije za istrage i zaštitu

Član 1.

U postupku javne nabavke ronilačkih kompjutera za tehničko ronjenje za potrebe ronilačkog tima Jedinice za specijalnu podršku Državne agencije za istrage i zaštitu (daljem tekstu: Agencija), na preporuku Komisije za nabavke za potrebe Agencije u 2024. godinu broj 16-12-16-7708/24 od 11.11.2024. godine, ugovor se dodjeljuje ponuđaču „NEXIS“ d.o.o. Sarajevo, ponuda broj 16-12-16-7708-4/24 od 31.10.2024. godine, za ponudenu cijenu u iznosu od 10.999,94 KM bez uračunatog PDV-a.

Član 2.

(1) Ponuđač „NEXIS“ d.o.o. Sarajevo obavezan je ugovornom organu dostaviti dokaze o ispunjavanju uslova iz tač. 3.1.1. i 3.1.3. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-7708-1/24 od 18.10.2024. godine, pokrenut je postupak javne nabavke ronilačkih kompjutera za tehničko ronjenje za potrebe ronilačkog tima Jedinice za specijalnu podršku Agencije, procijenjene vrijednosti 11.000,00 KM bez uračunatog PDV-a, za koje je obavještenje o javnoj nabavci broj 1161-7-1-279-3-80/24 objavljeno na Portalu javnih nabavki dana 24.10.2024. godine i u „Službenom glasniku BiH“, broj 73/24 od 01.11.2024. godine. Novčana sredstva za realizaciju nabavke obezbijedena su u okviru budžetskih sredstava za 2024. godinu, na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2024. godine („Službeni glasnik BiH“, broj 50/24). Za navedeni postupak javne nabavke predviđeno je provođenje aukcije u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23) (u daljem tekstu: Pravilnik).

Obzirom da je tačkom 6.1. Konkurentskog zahtjeva navedeno da je rok za dostavljanje ponuda 04.11.2024. godine do 13,00 sati, te da se ponude dostavljaju u zatvorenoj koverti, Komisija je dana 04.11.2024. godine u 14,00 sati izvršila javno otvaranje ponuda prema datumu i vremenu prijema, numerišući kovertu.

Blagovremeno su dostavljene ukupno dvije ponude i to:

R/B	Naziv/ime ponuđača	Ponudena cijena bez uračunatog PDV-a u KM
1.	„NEXIS“ d.o.o. Sarajevo	10.999,94
2.	„NO LIMIT UNION“ d.o.o. Mostar	10.920,00

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: Zakon), sačinila Zapisnik o otvaranju ponuda, koji je u roku od tri dana dostavljen ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da je ponuda ponuđača „NEXIS“ d.o.o. Sarajevo prihvatljiva odnosno ispunjava kvalifikacione uslove u pogledu lične sposobnosti, sposobnosti obavljanja profesionalne djelatnosti i ekonomske i finansijske sposobnosti, kao i formalno-pravne uslove iz Konkurentskog zahtjeva.

Komisija je utvrdila da ponuda ponuđača „NO LIMIT UNION“ d.o.o. Mostar nije prihvatljiva, iz razloga što ne ispunjava kvalifikacione uslove iz tačke 5.2. Konkurentskog zahtjeva. Naime, uvidom u ponudu ponuđača „NO LIMIT UNION“ d.o.o. Mostar, Komisija je utvrdila da ista nije čvrsto uvezana na način da se onemoguću naknadno vađenje ili umetanje listova. Imajući u vidu naprijed navedeno, Komisija ponudu ponuđača „NO LIMIT UNION“ d.o.o. Mostar nije uzela u dalje razmatranje.

U cilju ocjene tehničkih uslova postavljenih u Konkurentskom zahtjevu Komisija je od Jedinice za specijalnu podršku Agencije aktom broj 16-12-16-7708/24 od 05.11.2024. godine, tražila da na osnovu uvida u ponudu ponuđača „NEXIS“ d.o.o. Sarajevo dostave stručno mišljenje, odnosno da li ponuda navedenog ponuđača ispunjavaju tehničke uslove postavljene u Konkurentskom zahtjevu. Jedinica za specijalnu podršku Agencije aktom broj 16-09-16-7708/24 od 06.11.2024. godine, dostavila je stručno mišljenje, u kojem je navedeno da je izvršen uvid u link, koji je dostavljen u dokumentaciji, u kojoj se nalazi tehnička specifikacija traženih kompjutera, te da isti odgovaraju traženim karakteristikama i potrebama ronilačkog tima Jedinice za specijalnu podršku Agencije.

Obzirom da je Konkurentskim zahtjevom za postupak javne nabavke ronilačkih kompjutera za tehničko ronjenje za potrebe ronilačkog tima Jedinice za specijalnu podršku Agencija predviđeno provođenje e-aukcije u skladu sa Pravilnikom, da je dostavljena jedna prihvatljiva ponuda, Komisija nije zakazivala e-aukciju već je navedeni postupak okončan u skladu sa članom 64. stav (1) tačka b) Zakona, primjenjujući kriterij najniže cijene iz tačke 8.1. Konkurentskom zahtjeva, te je sačinila rang listu ocijenjene ponude, kako slijedi:

R/B	Naziv/ime ponuđača	Ponuđena cijena bez uračunatog PDV-a u KM
1.	„NEXIS“ d.o.o. Sarajevo	10.999,94

Komisija je nakon provedenog postupka ocjenjivanja dostavljenih ponuda, te mišljenja Jedinice za specijalnu podršku Agencije, utvrdila da je ponuda ponuđača „NEXIS“ d.o.o. Sarajevo ocijenjena kao najpovoljnija ponuda u postupku javne nabavke ronilačkih kompjutera za tehničko ronjenje za potrebe ronilačkog tima Jedinice za specijalnu podršku Agencija, te da ista ne premašuje procijenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije, te je odlučeno da se ugovor u postupku javne nabavke ronilačkih kompjutera za tehničko ronjenje za potrebe ronilačkog tima Jedinice za specijalnu podršku Agencije, dodijeli ponuđaču „NEXIS“ d.o.o. Sarajevo, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

Darko Čulum

